

So sinndt Elisabetha Pixlin, Wittib, welche denen erkrankhten  
Preukhnechten vnderm Jahr aufwarttet, iehrlichen zu  
*Recompens* geben, so ihr anheuer widerumb verraicht  
N<sup>o</sup>. 306 den 14. *May A<sup>o</sup>* 1692  
4 fl. — —

Wie hiebeikhommender genedigster Befelch *de dato* 8. vnnd *pres.*  
*Litt. Q.* 13. *Martj* 1692 mit mehrerm weiset, sinnd der Elisa-  
betha Közlin, armen Wittib, vf ihr beschehen diemiethi-  
gistes *Supplicirn* genedigist bewilliget, das ihr die bishero  
verraichte 10 fl. noch vf drey Jahr lang, wan sye  
es anderst erlebt, vnnd zwar fir anheur das erste  
Mahl als ein Gnadengelt abgestattet werden sollen,  
gestalten sye solche in crafft diss empfangen den  
N<sup>o</sup>. 307 14. *May Anno* 1692, *id est*  
10 fl.

*Huius* 29 fl. — —

[fol. 187v]

Negst deme, so weiset die 1693ig-iehrige Preu-  
rechnung *fol.* 245 zr. *sub Litt. Z.*, das genedigist be-  
williget, dem Michael Schreiner, Burgern vnnd  
Gasstgeben alhir, vor die allzu beschwerliche Raumb-  
ung der Rinen, in welcher alles Wasser aus dem  
neuen Sudhaus durch sein, Schreiners, Gartten hinaus  
gefiert wirdt, iehrlichen, doch vf iedermahliges wider-  
rueffen 1 fl. 30 kr. zuentrichten, wie ihme *sub*  
N<sup>o</sup>. 308 *dato* 14. *May* 1692 auch die Abstattung geschehen mit  
1 fl. 30 kr. —

Franzen Pöckh, Burgern vnnd Crammern in Kelhamb,  
vmb Paumöhl zue Einschmierbung der Waigg-  
N<sup>o</sup>. 309 Zapfen bezalt den 14. *May A<sup>o</sup>* 1692  
1 fl. 6 kr. —

Nach Inhalt genedigster *Resolution*, welche *sub dato* 16ten  
*7bris Anno* 1672 von dem Churfürstlichen Rhatt vnd Rent-  
maister zue Straubing zum Ambt yberschriben  
vnnd der 1671ig-iehrigen Preurechnung *fol.* 159 *sub*  
N<sup>o</sup>. 405 beigelegt, hat man Hannsen Rueppen,  
Caminkhörern, wegen der wider aufgerichteten neuen  
Preu- vnd Molzstatt vf dem Alten Marckht seinen  
Soldt *dupplirt* vnnd iehrlich 20 fl. Bestallung  
*alignirt*, welche vf Absterben des alten Rueppens  
N<sup>o</sup>. 310 dessen Sohn Peter Paull Ruepp erhebt den 14. *Maj*  
*Anno* 1692  
20 fl. — —

*Huius* 22 fl. 36 kr.